

ORDNING FOR HOVUDGUDSTENESTA – ÅL SOKN

3. Forenkla gudsteneste med nattverd Program for prest, organist og medliturg

I. SAMLING

Klokkeringing

Informasjon om gudstenesta i dag.

Informasjonen blir avslutta med: Lat oss vera stille for Gud.

Kort stille. Tre klokkeslag

PRELUDIUM

INNGANGSSALME

Kyrkjelyden står og syng

INNGANGSORD

Liturg (L): Kjære kyrkjelyd. Nåde vere med dykk og fred frå Gud, vår Far og Herren Jesus Kristus. *Kyrkjelyden set seg*

SAMLINGSBØN

Medliturg (ML): Lat oss be:

Alle: Gud, du er midt iblant oss. Du omgjev oss på alle sider. Hald oss i di hand. Amen.

GLORIA

Høveleg lovsongsvers.

Viss det er **dåp**, kjem han her, og truvedkjenninga blir flytta hit. Lat oss vedkjennast forsakinga og trua som vi blir døypte til. Eg forsakar djevelen og alle hans gjerningar og alt hans vesen. Eg trur på Gud Fader... *sjå dåpsliturgi annan stad i permen*

II. ORDET

Her kan det følgje ein salme.

EVANGELIUM

Evangeliet kan bli lese frå midtgangen

L eller ML: Det står skrive i evangeliet etter...

Kyrkjelyden reiser seg

Lesinga sluttar med: Slik lyder det heilage evangeliet.

Kyrkjelyden set seg

PREIKE

Kort stille eller meditativ musikk.

TRUVEDKJENNING

L eller ML: Lat oss vedkjennast vår heilage tru.

Kyrkjelyden reiser seg

Alle (A): Eg trur på Gud Fader, den allmektige, som skapte himmel og jord.

Eg trur på Jesus Kristus, Guds einborne Son, vår Herre, som vart avla ved Den Heilage Ande, fødd av Maria møy, pint under Pontius Pilatus, vart krossfest, døydde og vart gravlagd, fór ned til dødsriket, stod opp frå dei døde tredje dagen, fór opp til himmelen, sit ved høgre handa åt Gud, den allmektige Fader, skal koma att derifrå og døma levande og døde.

Eg trur på Den Heilage Ande, ei heilag, allmenn kyrkje, eit samfunn av dei heilage, forlating for syndene, oppstoda av lekamen og evig liv. Amen.

I forenkla gudstenester særleg retta mot mindre born, kan liturgen avgjere at ein i staden nyttar:

A: Eg trur på Gud Fader, skaparen min.
Eg trur på Jesus Kristus, frelsaren min.
Eg trur på Den Heilage Ande, hjelparen min i liv og død.
Kyrkjelyden set seg

SALME

III. FORBØN

KUNNGJERINGAR

(- kan plasserast her, i forkant av gudstenesta, eller formidlast til kyrkjelyden på annan måte.)

FORBØN FOR KYRKJA OG VERDA

Liturgen leier forbøna. Kyrkjelyden sitt bønnesvar (K) kan variere, men ofte nyttar ein: Herre, høyr vår bøn. For formulerte forbøner, sjå gudstenestepermen.

I forbøna inngår:

Gud, du kjenner og elsker oss alle.

Vi har gjort deg imot.

Vi har gløymt deg og det du vil vi skal gjera.

Vi har tenkt meir på oss sjølve enn på andre.

Tilgjev oss for Jesu skuld.

TAKKOFFER FRÅ KYRKJELYD - under ein

salme/instrumental musikk/vokal musikk.

Brød og vin blir bore fram til altaret saman med takkofferet.

TAKKOFFERBØN

L: Evige Gud, di er jorda og det som fyller henne. Alt vi eig høyrer deg til. Av ditt eige gjev vi deg attende. Ta imot oss og gåvene våre i Jesu namn. Amen.

IV. NATTVERD

Om takkofferet blir teke opp under instrumental/vokal musikk, kan her følgje ein salme.

HELSING

L: Lat oss lovprisa Gud.

Kyrkjelyden reiser seg

ML: Gud vil vi takka og æra.

K: Gud vil vi takka og æra.

HEILAG

A: Heilag, heilag, heilag, er Herren Sebaot. All jorda er full av din herlegdom. Hosianna i det høgste. Velsigna vere han som kjem i Herrens namn. Hosianna i det høgste.

NATTVERDBØN

L: *(Liturg vel ut i frå Gudsteneste for Den norske kyrkja 2.80)*

INNSTIFTINGSORDA

L: Vår Herre Jesus Kristus, i den natta han vart sviken, tok han eit brød, takka, braut det, gav læresveinane og sa: Ta imot og et! Dette er min lekam som blir gjeven for dykk. Gjer dette til minne om meg.

Like eins tok han kalken etter måltidet, takka, gav dei og sa: Drikk alle av den. Denne kalken er den nye pakt i mitt blod som blir utrent for dykk så syndene blir tilgjevne. Kvar gong de drikk av han, så gjer det til minne om meg.

L: Mysteriet i trua er stort.

A: Kristus døydde. Kristus stod opp. Kristus skal koma att.

HERRENS BØN

A: Vår Far i himmelen. Lat namnet ditt helgast. Lat riket ditt koma. Lat viljen din råda på jorda slik som i himmelen. Gjev oss i dag vårt daglege brød, og tilgjev oss vår skuld, slik vi tilgjev våre skuldnarar. Og lat oss ikkje koma i freisting, men frels oss frå det vonde. For riket er ditt og makta og æra i all æve. Amen.

Når Herrens bøn blir sunge (inntil ny melodi er avklara):

Fader vår, du som er i himmelen. Lat namnet ditt helgast. Lat riket ditt koma. Lat viljen din råda på jorda så som i himmelen. Gjev oss i dag vårt daglege brød. Forlat oss vår skuld, som vi òg forlèt våre skuldmenn. Før oss ikkje ut i freisting, men frels oss frå det vonde. For riket er ditt, og makta og æra i all æve. Amen.

NATTVERDSMÅLTIDET

L: Guds fred vere med dykk.

A: Guds fred vere med deg.

A: Du Guds Lam, som ber all verdens synder, miskunna deg over oss.

Du Guds Lam, som ber all verdens synder, miskunna deg over oss.

Du Guds Lam, som ber all verdens synder, gjev oss din fred.

L: Kom, for alt er gjort ferdig.

Dei som vil ta imot nattverden går fram. Dei andre set seg.

Utdelingsord:

L: Kristi kropp gjeven for deg.

Kristi blod utrent for deg.

Etter utdelinga:

L: Den krossfeste og oppstadne Jesus Kristus har no gjeve oss sin heilage lekam og sitt dyre blod som han gav til soning for alle våre synder. Han styrkje oss og halde oss oppe i ei sann tru til det evige livet. Fred vere med dykk.

TAKKEBØN FOR NATTVERDEN

L: Himmelske Far, takk for dine velsigna gåver. Vi bed at du ved desse gåvene vil halda oss fast i trua på deg, sameina oss i din kjærleik og stadfesta i oss vona om det evige livet, for Jesu Kristi skuld.

V. SENDING

SALME

Kyrkjelyden står og syng

VELSIGNINGA

L: Lat oss prisa Herren.

K: Gud vere lova. Halleluja. Halleluja. Halleluja.

L: Herren velsigne deg og vare deg.

Herren late sitt andlet lysa over deg og vere deg nådig.

Herren lyfte sitt åsyn på deg og gje deg fred.

K: Amen. Amen. Amen.

3x3 bøneslag

Kyrkjelyden set seg

POSTLUDIUM

UTSENDING

L: Gå i fred. Ten Herren med glede.